

“TASDIQLAYMAN”

Navoiy davlat pedagogika instituti
Kengashining 2022-yil 29 - 08
01-sonli yig'ilishining 03-sonli
qarori asosida, Kengash raisi, rektor
B.Sobirov
“30” 08 2022 yil

Navoiy davlat pedagogika institutida talabalarning kredit-modul tizimi bo'yicha ta'lim natijalarini baholash va nazorat qilish

TARTIBI

Mazkur tartib O'zbekiston Respublikasi Prezidentining 2019 yil 8 oktabrdagi “O'zbekiston Respublikasi oliy ta'lim tizimini 2030 yilgacha rivojlantirish konsepsiyasini tasdiqlash to'g'risida” PF-5847-son, 2020 yil 2 martdag'i “2017-2021 yillarda O'zbekiston Respublikasini rivojlantirishning beshta ustuvor yo'nalishi bo'yicha Harakatlar strategiyasini “Ilm, ma'rifat va raqamli iqtisodiyotni rivojlantirish yili”da amalga oshirishga oid davlat dasturi to'g'risida” PF-5953-son farmonlarida belgilangan vazifalar hamda O'zbekiston Respublikasi Vazirlar Mahkamasining 2020 yil 31 dekabrdagi “Oliy ta'lim muassasalarida o'quv jarayoniga kredit-modul tizimini joriy etish tartibi to'g'risida nizom to'g'risida”gi 824-son qaroriga muvofiq oliy ta'lim muassasalarida talabalar bilimini nazorat qilish va baholash tizimini belgilaydi.

1-bob. Umumiy qoidalar

1. Mazkur tartib o'quv jarayoniga kredit-modul tizimi joriy etilgan yo'nalish talabalarining bilimini nazorat qilish hamda baholashda qo'llaniladi.

Mazkur tartib talablari qonun hujjatlariga muvofiq o'quv jarayoniga kredit-modul tizimi joriy etilmagan kunduzgi ta'lim shakli va sirtqi ta'lim shakli hamda 2-mutaxassislik talabalar bilimini nazorat qilish va baholashda qo'llanilmaydi.

2. Ushbu tartib tibbiyat yo'nalishlariga nisbatan tatbiq etilmaydi.

3. Talabalar institut professor-o'qituvchilarini tomonidan birinchi mashg'ulotda mazkur tartib talablari bilan tanishtirilishi shart.

4. Talabalar bilimini malakaviy amaliyat, kurs ishi, fan (fanlararo) davlat attestatsiyasi, bitiruv malakaviy ishi, shuningdek, magistratura bosqichida ilmiytadqiqot, ilmiy-pedagogik ishlari va ilmiy-amaliyat (stajirovka) hamda magistrlik dissertatsiyasi bo'yicha baholashda mazkur tartibda belgilangan baholash mezonlari qo'llaniladi.

2-bob. Nazorat turlari va baholash mezonlari

1-§. Nazorat turlari

5. Institutda talabalar bilimini nazorat joriy, oraliq va yakuniy nazorat turlarini o'tkazish orqali amalga oshiriladi.

6. Oraliq nazorat semestr davomida fan dasturi va ishchi fan dasturining tegishli bo‘limi tugagandan keyin talabaning bilim va amaliy ko‘nikmalarini baholash maqsadida o‘quv mashg‘ulotlari davomida o‘tkaziladi.

7. Oraliq nazorat turi har bir fan bo‘yicha fanning xususiyatidan kelib chiqqan holda 2 martagacha o‘tkazilishi mumkin.

Oraliq nazorat turini o‘tkazish shakli va muddati fanning xususiyati va fanga ajratilgan soatlardan kelib chiqib tegishli kafedra tomonidan belgilanadi.

8. Oraliq nazorat turining topshiriqlari tegishli kafedra professor-o‘qituvchilari tomonidan ishlab chiqiladi va mazkur kafedra mudiri tomonidan tasdiqlanadi.

9. Semestr davomida haftasiga 2 akademik soatdan kam bo‘lgan fanlar bo‘yicha oraliq nazorat turi o‘tkazilmaydi.

10. Talabaning ma’ruza, amaliy, seminar, laboratoriya mashg‘ulotlari bo‘yicha topshiriqlarni bajarilishi, shuningdek, uning ushbu mashg‘ulotlardagi faolligi fan o‘qituvchisi tomonidan baholab boriladi.

11. Mustaqil ta’lim topshiriqlari (o‘quv loyihasi, taqdimot, keys-stadi, masala yechish, axborot izlash, dayjest, kolokvium, esse, maqola, referat va boshq.) tegishli kafedra professor-o‘qituvchilari tomonidan ishlab chiqiladi va mazkur kafedra mudiri tomonidan tasdiqlanadi.

12. Mustaqil ta’lim bo‘yicha bajarilgan topshiriqlar HEMIS axborot tizimiga joylashtirilgandan so‘ng tekshiriladi va fan o‘qituvchisi tomonidan baholanadi.

Bunda, bajarilgan topshiriqning o‘ziga xosligi 60% dan kam bo‘lmasligi lozim, aks holda topshiriq baholash uchun qabul qilinmaydi.

13. Mustaqil ta’lim topshiriqlarining soni fannining xususiyatidan kelib chiqib, bitta fan(modul) bo‘yicha 3 tadan kam bo‘lmasligi lozim.

11. Yakuniy nazorat turi semestr yakunida tegishli fan bo‘yicha talabaning nazariy bilim va amaliy ko‘nikmalarini o‘zlashtirish darajasini aniqlash maqsadida o‘tkaziladi.

12. Yakuniy nazorat turini o‘tkazish shakli tegishli fan bo‘yicha kafedra tomonidan belgilanadi.

13. Yakuniy nazorat turi tegishli fakultet dekani tomonidan ishlab chiqiladigan hamda tasdiqlanadigan Yakuniy nazorat turlarini o‘tkazish jadvaliga muvofiq o‘tkaziladi.

2-§. Baholash mezonlari

14. Talabalar bilimini baholash axborot tizmimida 100 ballik tizimda amalga oshiriladi va yakuniy baholash 5 baholik tizimda aks ettiriladi. Lekin ushbu holat kredit-modul tizimida tahsil olmayotgan yo‘nalish talabalari kunduzgi, sirtqi va 2-mutaxassislik uchun tadbiq etilmaydi va bu talabalar O‘zbekiston Respublikasi Oliy va o‘rtalik maxsus ta’lim vazirining 2018-yil 9-avgustdagagi 19-2018-son buyrug‘iga ilova sifatida tasdiqlangan “Oliy ta’lim muassasalarida talabalar bilimini nazorat qilish va baholash tizimi to‘g‘risidagi” nizom asosida baholanadi.

15. Talabalar bilimi quyidagi jadvalda keltirilgan mezonlar asosida baholanadi.

Talabalar bilimini baholash mezonlari

5 baholik	100 ballik		Baholash mezonlari
5	90-100	a'lo	“Talaba mustaqil xulosa va qaror qabul qiladi, ijodiy fikrlay oladi, mustaqil mushohada yuritadi, olgan bilimini amalda qo'llay oladi, fanning (mavzuning) mohiyatini tushunadi, biladi, ifodalay oladi, aytib beradi, fan (mavzu) bo'yicha tasavvurga ega” deb topilganda
4	70-89,9	yaxshi	“Talaba mustaqil mushohada yuritadi, olgan bilimini amalda qo'llay oladi, fanning (mavzuning) mohiyatni tushunadi, biladi, ifodalay oladi, aytib beradi hamda fan (mavzu) bo'yicha tasavvurga ega” deb topilganda
3	60-69,9	yeterli	“Talaba olgan bilimini amalda qo'llay oladi, fanning (mavzuning) mohiyatni tushunadi, biladi, ifodalay oladi, aytib beradi hamda fan (mavzu) bo'yicha tasavvurga ega” deb topilganda
2	0-59,9	qoniqarsiz	“Talaba fan dasturini o'zlashtirmagan, fanning (mavzuning) mohiyatini tushunmaydi, fan (mavzu) bo'yicha tasavvurga ega emas” deb topilganda

16. Nazorat turlarini o'tkazish bo'yicha tuzilgan topshiriqlarning mazmuni talabaning o'zlashtirishini xolis (obyektiv) va aniq baholash imkoniyatini berishi shart.

3-bob. Talabalar bilimini baholash

17. Oraliq nazorat turini o'tkazish va mazkur nazorat turi bo'yicha talabaning bilimini baholash tegishli fan bo'yicha o'quv mashg'ulotlarini olib borgan professor-o'qituvchi tomonidan amalga oshiriladi.

Yakuniy nazorat turini o'tkazish va mazkur nazorat turi bo'yicha talabaning bilimini baholash o'quv mashg'ulotlarini olib bormagan professor-o'qituvchi tomonidan amalga oshiriladi.

Tegishli fan bo'yicha o'quv mashg'ulotlarini olib borgan professor-o'qituvchi yakuniy nazorat turini o'tkazishda ishtiroy etishi taqiqlanadi.

Yakuniy nazorat turini o'tkazishda kelishuv asosida boshqa oliy ta'lim muassasalarining tegishli fan bo'yicha professor-o'qituvchilari jalg qilinishi mumkin.

18. Institutda nazorat turlarini o'tkazilishi tegishli institutning ta'lim sifatini nazorat qilish bo'limi tomonidan doimiy ravishda o'rganib boriladi. Bunda nazorat turlarini o'tkazilish tartibi buzilganligi aniqlangan hollarda, o'tkazilgan nazorat turlarining natijalari bekor qilinishi hamda tegishli nazorat turi qaytadan o'tkazilishi mumkin.

19. Talaba tegishli fan bo'yicha yakuniy nazorat turi o'tkaziladigan muddatga qadar oraliq nazorat turini topshirgan bo'lishi shart.

20. Mustaqil topshiriqlarni va oraliq nazorat turini topshirmagan, shuningdek ushbu topshiriqlar va nazorat turi bo'yicha «0-29,9» ballar oralig'ida ball olgan talaba yakuniy nazorat turiga kiritilmaydi.

Shuningdek, bir fanga ajratilgan auditoriya soatining 25 foizini va undan ortiq soatni sababsiz qoldirgan talaba ushbu fandan chetlashtirilib,

yakuniy nazoratga kiritilmaydi hamda mazkur fan bo'yicha tegishli kreditlarni o'zlashtirmagan hisoblanadi.

Yakuniy nazorat turiga kirmagan yoki kiritilmagan, ushbu nazorat turi bo'yicha «0-29,9» oralig'ida ball olgan, shuningdek, uzrli sabablersiz malakaviy amaliyotga qatnashmagan va malakaviy amaliyot bo'yicha «0-29,9» ballar oralig'ida ball olgan talaba akademik qarzdor hisoblanadi.

21. Talabani fan bo'yicha baholashda, umumiy ball (100 ballgacha) yakuniy nazorat (50 ballgacha) hamda oraliq nazorat, o'quv mashg'ulotlaridagi faolligi, mustaqil ta'lim (50 ballgacha) ballarining yig'indisidan iborat bo'ladi.

22. Bir kunda 1 tadan ortiq fan bo'yicha yakuniy nazorat turi o'tkazilishiga yo'l qo'yilmaydi.

23. Akademik qarzdor talabaga semestr yakunida qarzdorlik bo'lgan fanlarni bir marta bepul qayta topshirish imkoniyati institut kengash qaroriga asosan beriladi. Qayta topshirish muddati semestr yakunidan keyin bir oy muddatda institut tomonidan o'quv jarayoni jadvalidan kelib chiqqan holda belgilanadi. Bahorgi semestr natijalari bo'yicha akademik qarzdorligi bo'lgan talabaga tegishli fan (fanlar) bo'yicha oraliq va (yoki) yakuniy nazorat turlarini yangi o'quv yili boshida qayta topshirish uchun 1 oy muddat beriladi.

Belgilangan muddat davomida fanlarni o'zlashtira olmagan akademik qarzdor talaba ta'til vaqtida yoki keyingi semestrlar mobaynida tegishli fanlardan o'zlashtirilmagan kreditlar miqdoriga mos ravishda bazaviy to'lov-kontrakt miqdoridan kelib chiqqan holda to'lovnii amalga oshirgandan so'ng o'zlashtirilmagan fanlarni o'z hisobidan qayta o'qish huquqiga ega bo'ladi. Semestr va o'quv yili yakuni natijalari bo'yicha akademik qarzdorligi bor talaba o'qishdan chetlashtirilmaydi.

Bitiruvchi kurs talabalariga oxirgi semestr natijalari bo'yicha o'zlashtirilmagan fan(lar)ni qayta topshirish uchun yakuniy davlat attestatsiyasi boshlangunga qadar ruxsat beriladi.

24. Baholash natijasidan norozi bo'lgan talabalar fakultet dekani tomonidan tashkil etiladigan Apellyatsiya komissiyasiga apellyatsiya berish huquqiga ega.

25. Apellyatsiya komissiyasi tarkibiga talabani baholashda ishtirok etmagan tegishli fan professor-o'qituvchilari orasidan komissiya raisi va kamida to'rt nafar a'zo kiritiladi.

26. Talaba baholash natijasidan norozi bo'lgan taqdirda, baholash natijasi e'lon qilingan vaqtdan boshlab 24 soat davomida apellyatsiya berishi mumkin. Talaba tomonidan berilgan apellyatsiya Apellyatsiya komissiyasi tomonidan 2 kun ichida ko'rib chiqilishi lozim.

27. Talabaning apellyatsiyasini ko'rib chiqishda talaba ishtirok etish huquqiga ega.

28. Apellyatsiya komissiyasi talabaning apellyatsiyasini ko'rib chiqib, uning natijasi bo'yicha tegishli qaror qabul qiladi. Qarorda talabaning tegishli fanni o'zlashtirgani yoki o'zlashtira olmagani ko'rsatiladi.

Apellyatsiya komissiyasi tegishli qarorni fakultet dekani va talabaga yetkazilishini ta'minlaydi.

4-bob. Baholash natijalarini qayd qilish

29. Talabalar bilimini baholash tegishli fan bo'yicha professor-o'qituvchi tomonidan Talabalarning fanlarni o'zlashtirishini hisobga olish elektron jurnalida(Xemis axborot tizimida) qayd etib boriladi. Professor-o'qituvchi talabalar bilimini baholashni elektron tizimda yuritadi.

Professor-o'qituvchi talabaga qo'yilgan baholarni shu kunning o'zida elektron jurnalida(Xemis axborot tizimida) qayd etib boradi. Agar talabaning bilimini baholash yozma ish shaklida o'tkazilgan bo'lsa, professor-o'qituvchi baholash natijalarini 48(qirq sakkiz) soatdan ko'p bo'limgan muddatda elektron jurnaliga(Xemis axborot tizimida) qayd etishi lozim.

30. Nazorat turi bo'yicha talabaning bilimi «60» ball («3» baho) va undan yuqori ball bilan baholanganda, nazorat turini qayta topshirishga yo'l qo'yilmaydi.

31. Talaba nazorat turi o'tkazilgan vaqtida qatnashmagan hollarda elektron jurnaliga(Xemis axborot tizimida) «0» belgisi yozib qo'yiladi.

32. Xemis axborot tizimidan baholash qaydnomalari o'z holicha yuklab olinadi hamda qog'ozga chiqarilib, tegishli professor-o'qituvchi, kafedra mudiri va fakultet dekani tomonidan imzolanadi hamda fakultet dekanatida o'quv yili davomida saqlanadi. Baholash qaydnomasini saqlanishi uchun fakultet dekani mas'ul hisoblanadi. Har o'quv yili yakunida baholash qaydnomalari belgilangan tartibda institut arxiviga topshiriladi.

33. Talabalarning yakuniy nazorat turi bo'yicha baholari elektron jurnaliga(Xemis axborot tizimida) qayd etilganda, shu kunning o'zida talabaning elektron baholash daftariga ham yozib qo'yilishi kerak.

35. Axborot tizimiga o'z vaqtida, to'g'ri va to'liq ma'lumotlar kiritilishiga, shuningdek, undagi ball va boshqa ma'lumotlarga asossiz o'zgartirishlar kiritilmasligi uchun fakultet dekani va tegishli fan bo'yicha professor-o'qituvchi mas'ul hisoblanadi.

36. Talabalarni kursdan kursga o'tkazish O'zbekiston Respublikasi Vazirlar Mahkamasining 2020 yil 31 dekabrdagi 824-sun qarori bilan tasdiqlangan "Oliy ta'lim muassasalarida o'quv jarayoniga kredit-modul tizimini joriy etish tartibi to'g'risida nizom"da belgilangan tartibda institut rektorining buyrug'iga asosan amalga oshiriladi.

37. Baholash natijalari kafedra yig'ilishlari, fakultet va institut kengashlarida muntazam ravishda muhokama etib boriladi va tegishli qarorlar qabul qilinadi.

38. Institut talabalar o'zlashtirishini baholash tizimini ilg'or xorijiy davlatlar oliy ta'lim tizimida qo'llaniladigan baholash tizimiga qiyosiy taqqoslash hamda ularga o'tkazish mazkur Tartibning 1 va 2-ilovalaridagi jadvallarga muvofiq amalga oshiriladi.

5-bob. Yakuniy qoida

39. Mazkur yo'riqnomaga institut Kengashida tasdiqlanib, imzolanganidan so'ng amaliyatga joriy etiladi

40. Yo'riqnomaga ayrim tuzatish va o'zgartirishlar kiritib borish mumkin.

41. Mazkur Tartibda belgilangan masalalar bo'yicha nizolar qonunchilik hujjalari muvofiq hal qilinadi.

O‘quv jarayoniga kredit-modul tizimi
joriy etilgan oliy ta’lim muassasalarida
talabalar bilimini nazorat qilish va baholash
tizimi to‘g‘risida nizomga 1-ilova

Baholanishni 5 ballik shkaladan 100 ballik shkalaga o’tkazish
JADVALI

5 ballik shkala	100 ballik shkala	5 ballik shkala	100 ballik shkala	5 ballik shkala	100 ballik shkala
5,00 — 4,96	100	4,30 — 4,26	86	3,60 — 3,56	72
4,95 — 4,91	99	4,25 — 4,21	85	3,55 — 3,51	71
4,90 — 4,86	98	4,20 — 4,16	84	3,50 — 3,46	70
4,85 — 4,81	97	4,15 — 4,11	83	3,45 — 3,41	69
4,80 — 4,76	96	4,10 — 4,06	82	3,40 — 3,36	68
4,75 — 4,71	95	4,05 — 4,01	81	3,35 — 3,31	67
4,70 — 4,66	94	4,00 — 3,96	80	3,30 — 3,26	66
4,65 — 4,61	93	3,95 — 3,91	79	3,25 — 3,21	65
4,60 — 4,56	92	3,90 — 3,86	78	3,20 — 3,16	64
4,55 — 4,51	91	3,85 — 3,81	77	3,15 — 3,11	63
4,50 — 4,46	90	3,80 — 3,76	76	3,10 — 3,06	62
4,45 — 4,41	89	3,75 — 3,71	75	3,05 — 3,01	61
4,40 — 4,36	88	3,70 — 3,66	74	3,0	60
4,35 — 4,31	87	3,65 — 3,61	73	3,0 dan kam	60 dan kam

O‘quv jarayoniga kredit-modul tizimi
joriy etilgan oliv ta’lim muassasalarida
talabalar bilimini nazorat qilish va baholash
tizimi to‘g‘risida nizomga 2-ilova

**Institutda talabalar o‘zlashtirishini baholash tizimlarini qiyosiy taqqoslash
JADVALI**

O‘zbekiston tizimi (5 baholik)	Rossiya tizimi (MDU)*	Yevropa kredit transfer tizimi (ECTS — European Credit Transfer System)	Amerika tizimi (A- F)	Britaniya tizimi (%)	Yaponiya tizimi (%)	Koreya tizimi (%)	O‘zbekiston tizimi (100 ballik)
«5»	«5»	«A»	«A+»	70 — 100	80 — 100	90 — 100	90 — 100
			«A»				
			«A-»	65 — 69			
«4»	«4»	«B»	«B+»	60 — 64	70 — 79	80 — 89	70 — 89,9
			«B»				
			«B-»	50 — 59			
«3»	«3»	«D»	«C+»	45 — 49	60 — 69	70 — 79	60 — 69,9
			«C»				
			«C-»				
			«D+»	60 — 69			
			«D»				
			«D-»				
«2»	«2»	«FX»	«F»	0 — 39	0 — 59	0 — 59	0 — 59,9
		«F»					

„